

欽定剿平三省邪匪方略

欽定剿平三省邪匪方略正編卷二百五十一

辛酉
午

四月十七日

癸亥

倭臣布奏言

臣

行抵襄陽接據

各路探報徐添德苟文明等股匪在興山之毛
龍寨萬家壩三對河一帶屯聚聚衆贊德楞泰與
長齡孫清元由豐邑坪南陽河等處分道進剿
初六日在王家壩與賊接仗殲擒甚多賊匪情
急由宋落河爬巖逃往房縣上龕分竄羊叉河

蒙古寺等處現經各官兵分路兜剿又據竹谿縣稟報前經德楞泰打散之龍紹周等股餘匪尙在川楚交界之黑漆清香溪向家壩一帶往來遊奕滋擾并有陝省不知姓名股匪於初五日由平利八卦廟竄至竹谿關陽坪王家河一帶焚掠等情

臣

查徐苟等逆既經竄至羊义河

等處則德楞泰與長齡孫清元自必俱赴房縣

會剿而陝省竄來之賊亦當派兵攔截此時兩

廣江西等省補額官兵已入楚境臣現委員分

投迎催促令迅速前進一面飭令襄陽府張瑤

預備夫糧趕緊照料赴營臣卽兼程赴房與德

楞泰等酌商辦理所需糧餉軍火臣督飭後路

寬爲備撥并責成襄卽局員張瑤王正常等安

設臺站源源滾運以期接濟無悞奏入

上命軍機大臣傳諭吳熊光曰據倭什布奏龍紹周等股餘匪在川楚交界之黑漆溝香溪等處游奕并有陝省不知姓名股匪由平利竄至竹谿地方焚掠龍紹周一股賊匪前經德楞泰奏報被剿窮蹙已竄往川省太平老林札飭川省副將稽大榮等迎擊今倭什布又稱尙在川楚交界與德楞泰前奏不符至由陝省竄至竹谿另股賊匪究係是

何姓名現在何人剿辦倭什布摺內亦未敘明俱
著吳熊光查明迅速具奏至倭什布前在楚省辦
理糧餉多有貽誤昨已有旨將伊解任令其來京
候旨而本日倭什布摺內尙稱行抵襄陽後於糧
餉軍火寬爲備撥安設臺站源源接濟等語明係
謊言支飾著吳熊光遵照昨降諭旨將倭什布任
內有無別項情弊一併查奏至長齡現署督篆所

有楚省軍營糧餉責成伊妥協經理吳熊光於顏
檢抵豫後卽星赴湖北督辦長齡仍當與德楞泰
明亮等帶兵剿賊以期肅清楚境

十八日

子

上命軍機大臣傳諭勒保曰高馬二逆業據額勒登
保奏到經楊遇春等臨陣生擒勒保早應得信自
當帶兵專剿湯思蛟一股何以數日來未見續有

奏報勒保往來川東川北徒勞跋涉並未見擒一
首逆殲淨一股以陝楚相較寧不自知愧惡此時
湯思蛟一股最爲緊要責成勒保速往剿辦剋日
殲除不可再有延緩致干重咎又據楊揆奏夔州
保寧達州等屬因賊匪滋擾耕作失時或煮粥賑
濟或減價平糶以資接濟夔州保寧等處向爲賊
匪滋擾今失業貧民若不妥行撫卹恐爲賊匪所

誘豈僅責賑平糶所能接濟此係勒保分內應行
速辦之事著卽設法妥爲綏撫毋使一夫失所如
有應行蠲緩之處不妨據實具奏候朕再降恩旨

二十日

丙寅

額勒登保奏言據楊遇春格布舍等

報稱高馬股匪自竄寧河後欲由甘境竄往龍
安楊遇春格布舍等率師輾轉截擊上月三十
日至荒耳山賊匪於是日竄至禪家巖相距六

北十里楊遇春等料其必由二郎壩奔竄遂探
明該處地勢令副將應元寬叅將張琰遊擊朱
槐李東宣等帶領兵勇連夜潛赴二郎壩山後
龍洞溝迎頭埋伏楊遇春率領侍衛噶拉特依
順保德勒奇善墨爾根額協領全德叅將宗超
遊擊唐文淑興普等帶領馬步兵勇於二郎壩
左面山林埋伏格布舍率領侍衛傅陞色玉慎

噶達鼐定色鼐總管富禮善協領青山佐領德
克精副將色克通阿遊擊雅津泰司國屏等分
帶馬步兵勇於二郎壩右面山坳埋伏均各裹
帶乾糧不舉烟火不支帳房掩旗息鼓於三十
日夜半至初一日天明差人密探賊蹤果有一
千數百人向二郎壩路徑竄來楊遇春復飛傳
各將弁總須俟各該匪全行竄到併力合擊不

許輕出使賊匪望風折奔時至午刻該匪竄到
二郎壩第二層山梁楊遇春等飭令點放號礮
左右兩面伏兵齊出鼓勇直前該匪猝不及防
立斃數十人該匪仍敢抗拒馬步兵勇鎗箭齊
發擒斬二三百名賊不能支奪路向龍硯溝逃
竄正遇副將應元寬等埋伏兵勇迎頭截住楊
遇春格布舍等兩路兵勇亦合力兜截當有四

川兵丁馬騰龍將首逆馬五擒住首逆高三見
馬五被擒遂由偏巖墮下希冀兔脫把總張仰
率同兵勇十五人一齊上前隨同滾下偏巖用
矛刺中該逆後肋當卽擒獲把總張仰同跌入
懸巖深處立時殞命殊爲可憫楊遇春格布舍
等帶領兵勇將餘黨併力殲擒總兵張鳳在荒
耳山帶兵尾追趕到總兵觀祥亦由板蒼壩帶

兵追來併力兜擊將餘黨斬獲無遺查得生獲
賊匪內有馬五之子馬秉太馬五之姪馬秉全
馬秉明及僞元帥朱泗林僞總兵張世德僞副
帥劉良珍等大小頭目十七名殲斃賊匪內有
僞總兵三名除滾巖跌斃者不計外殺賊六百
餘名生擒七百四十七名獲有大小旗幟一百
三十一件刀矛鳥鎗一千八十餘件查此股賊

匪自王廷詔就獲後僅存四五百人嗣與王凌
高張什後股賊匪五六百人及陳朝觀等股內
散出賊匪數百人先後合夥除節次斬獲外尙
共有一千數百人茲據全數掃蕩無遺

臣

查高

三馬五股匪於川陝楚三省地方滋擾日久節
次戕害提鎮大員惡貫滿盈神人共憤乃於王
廷詔王凌高張什等就縛之後猶敢率其餘黨

及陳朝觀股內散出餘孽希冀繞出龍安實屬
可惡茲經楊遇春格布舍張鳳率同將弁兵勇
臨陣生獲並將該匪夥黨賊目斬獲淨盡實足
以彰

國憲而快人心

臣

除卽欽遵賞格飭知楊遇春等

將生擒首逆馬五之四川兵丁馬騰龍傳

旨賞給五品翎頂以守備用並給銀二千兩其生擒

高三之兵勇十五人亦卽以銀二千兩先行分給用彰激勸

臣

並當詳查生擒高三之各兵勇

內如有可勝官職之人仍酌量拔擢外其擎獲馬五子姪以及擒斬賊目之兵勇等亦當量爲

獎賞

臣

於撥銀四千兩外復撥銀二千兩交楊

遇春格布舍等查明出力各兵勇分別賞資以勵衆志再查楊遇春格布舍張鳳帶兵剿辦高

馬等賊匪所有滿漢將領弁兵剴勇等涉險歷
艱追奔逐北無不人人奮勉其中著有勞績者
實屬不少且前此生擒王廷詔案內曾據楊遇
春格布舍開單保送臣以首逆只獲一人未敢
悉予懇

恩當將分外出力之十數人先行奏請

獎賞其餘暫行存記茲幸仰仗

天威得以一鼓集事現據楊遇春格布舍將續行出力之人與前次保送之人一併開送前來

臣復

秉公細加核定分別裁減謹繕具清單恭呈

御覽再頃又據楊遇春等報稱首逆高三當兵勇捉獲時用矛刺及後股所傷已重至次日昏迷不能言語楊遇春以該逆係極惡巨魁未便倖逃顯戮當於劊營處所凌遲處死並剉骨揚灰附

近民人環睹如市無不同聲稱快首級另行封
貯以便傳示各處其僞總兵張世德僞元帥朱
泗林二犯亦因受傷過重卽與所獲不甚緊要
之頭目均卽凌遲梟示其餘生獲餘匪內訊明
新近裹脅民人男婦九十一名口給予路票盤
費回籍此外從賊日久五百餘名悉予正法至
首逆馬五及其子馬秉太姪馬秉全馬秉明并

偽副帥劉良珍已自寧羌帶兵押解起程

臣先

於接信後恐解

臣

軍營道途較遠當經飭知就

近卽解漢中交撫臣陸有仁審辦再馬五各犯

兇悍已極應於

臣

帶兵前抵漢中附近地方時

遵

旨設立被害提鎮各牌位齣割致祭並將前次生獲

之首逆王凌高張什一併辦理

額勒登保又奏言查內學勝叛匪經

臣

督師於

隴州之草白峪接仗後該匪恃其所掠騾馬充

物初八初九等日由華亭之白沔河向西北飛

奔初十日由隆德竄至固原之張易舖希圖於

馬廠搶擄馬匹

臣

率同札克塔爾等由水磨川

馬峽口白沔河一帶抄截長麟率同蕭福祿等

由安口窪磨口溝躡蹤追剿是日均趕抵隆德

臣

於途次連獲賊探據供現在賊營人人騎有馬匹冉學勝等商量此時官兵分路追截若再向山林內逃竄驟馬不能保全莫若向大路直趨固原隨處掠食等語是該匪竟欲直向北趨固原係通平涼蘭州大路關係緊要以此一帶完善之區豈可任其蹂躪必得趕緊覓道扼截

臣

與長麟各帶官兵十一日四鼓啟營先帶馬

隊官兵星馳迎頭兜擊催令步兵緊趕該匪聞
風折回向東南由建閣子嶺開城牛頸子一帶
奔逸我軍是日申刻追至牛頸子察探該匪並
未停足已竄過瓦亭驛六七十里以外之東山
舖馬家店距固原已遠臣因連日步兵奔馳至
一百四五十里不等實在疲乏尙有落後者一
面劄營稍令憩息等候鍋帳一面派令副將楊

芳並侍衛安福等挑帶馬隊官兵並健壯鄉勇
卽於初更後乘月色潛進暗襲賊營詎兵勇於
五更趕到該處而賊匪頭隊已於四更逃竄安
福楊芳等將後隊賊匪追趕二十里天色大
明沿途斬獲十數人奪獲騾馬十三匹賊匪由
化坪白沔河馬峽口向南逃遁臣帶領後隊官
兵連日由瓦亭驛華亭隴州之火燒寨曹家灣

等處截擊長麟帶兵踴躍追至固原關查該匪
既不能北竄固原勢必仍由隴州清水吳寨原
路折竄倘該匪竟由寶雞岐山東竄直入平原
尤不成事

臣

已札知楊遇春帶兵由棧道起來

於鳳縣寶雞一帶探蹤設伏迎截預遏其東竄
之路并可會合兵力

臣

日內帶兵緊顧東北由

隴州僱程向西南截剿長麟由龍門硯咸宜關

長寧驛緊蹣蹤跡顧往西北向清水而進刻探
該匪已竄至高漢川沙家店或西竄清水秦州
或向東竄過渭河均未可定

臣

與長麟彼此協

力趕緊兜剿若一經逼過渭河自易得手至穆
克登布等所辦伍懷志股匪欲山留壩廟臺子
等處竄過棧東經穆克登布等率師截剿未得
東趨現據報稱該匪於初四五等日竄入沔畧

境內

臣

約計彼時楊遇春正由寧羗而來或已

就近協同穆克登布等剿捕必無滋蔓至高二

餘匪奔竄南山

臣

先已飭令劉之仁率同通判

雒昂州判黃袞等由東北向西南逼剿並令慶

成帶兵由四畝地一帶攔截茲據劉之仁雒昂

等稟報初五六等日帶領兵勇由小王濶虎豹

河一帶進剿鄉勇等乘夜潛入賊營擒殺賊匪

各數十人現將該匪逼向安河厚畛子一帶已

離老林

臣

刻又飛飭劉之仁務須將賊轟出西

南與慶成一路官兵盡力殲洗肅清南山並令
劉之仁卽行飭令新設各員弁趕緊將營汛逐
段安設兵勇以防賊之再行折竄毋得稍有稽
延

額勒登保又奏言竊

臣

接奉本月初五日

皇上御勤政殿所降

上諭一道仰見我

皇上宵旰操勞一日萬幾刻惟以平賊安民爲重

臣

跪聆之餘不禁感極涕零伏思

臣仰邀

委任疊被

榮施犬馬銜恩自當力圖報効且念

臣渥蒙

高宗純皇帝綦養恩慈已非一日乃春秋屢易攀戀無

期當

皇上釋服之時仍未能叩謁

山陵一伸蟻悃自

皇上親政以來六載於茲亦未得瞻仰

天顏依侍

禁鑪傍徨夙夜何以爲忠至臣下庭闈之事屬在

私情而臣之母於臣前歲在軍營時卽得凶信

至今喪祭缺如更難言孝是臣於臣心子職無
有不虧亦惟盼迅速盡此邪氛庶幾稍彌缺陷
萬不敢有意延緩昧良辜

思總緣賊蹤變幻靡常因之稽延時日臣身為經畧
責有攸歸於一切師行之事不得不權其輕重
先後酌量緩急而行今幸仰仗

聖主威福事機順利元兇屢縛餘黨叠除如陝省邊

界只餘冉學勝伍懷志及高二餘黨楚省亦惟
有徐添德苟文明龍紹周等股至於川省樊人
傑陳朝觀顏勝可魏棒棒辛聰之外若湯思蛟
等所謂摸樁餘賊川楚之安康太平老林據報
尙有王光祖唐明萬餘黨亦屬零星殘敗楚中
已有德楞泰在彼統師川省又有勒保督辦伍
懷志股匪有穆克登布等緊追高二餘黨本有

劉之仁剽辦恐不足恃臣已添慶成率兵往剿

安康平利一帶餘賊現有慶溥喜明馬玉魁柯

藩等堵剿各股賊匪雖有大小之不同而計其

兵力皆足以制賊此時冉學勝股匪較爲鴟張

無非恃有驟馬肆其奔突臣現帶兵勇雖不甚

多而聲威甚壯昨又令楊遇春一路官兵先於

寶鳳之間扼其東竄之路臣與長麟分路盡力

趕剿各路中先後剿除一股之賊更增一路之
兵辦理自更漸易就目下情形而論數日間大
局可定臣於一切奏牘向本據實直陳不敢以
粉飾冀倖之詞上干

聖聽當此功虧一簣之際臣惟有黽勉辦理以期仰
副

皇上教誨矜全之至意均奏入

上諭內閣曰高三馬五爲賊中最要首逆經額勒登保將所帶勁兵分交楊遇春等奮力剿捕生擒高馬二逆並將此股賊匪全數掃蕩皆由額勒登保調度有方允宜嘉獎伊本係三等子爵著加恩賞二等子賞帶雙眼花翎並賞給玉搬指大小荷包用昭優眷楊遇春帶領馬步兵勇於二郎壩山林埋伏並分派格布舍應元寬亦各埋伏兵勇傳令

各將弁總須俟各匪全行竄到時併力合擊深合
機宜旋於賊匪竄向龍硎溝時奮力截殺將高馬
二逆同時就擒均屬奮勇可嘉楊遇春本有雲騎
尉世職著加賞騎都尉並賞給玉帶頭玉搬指大
小荷包格布舍本有恩騎尉世職著加賞雲騎尉
並賞給玉搬指大小荷包應元寬著賞給恩騎尉
世職並發去搬指及搬指套各十件交額勒登保

分賞出力人員以示獎勵其生擒首逆馬五之兵
丁馬騰龍額勒登保業照前旨賞給五品翎頂以
守備用並給銀二千兩至把總張仰率同兵勇十
五人滾下偏巖用矛刺中高三後肋當將該逆擒
獲張仰因跌入深巖殞命殊堪憫惜張仰本應照
前旨以五品陞賞之人茲既身故著照守備例賜
卹其同時奮力之兵勇十五人額勒登保亦經分

給銀二千兩所辦俱是此外尚有在事出力各員
弁兵勇著額勒登保查明具奏至單開出力官兵
內吉林協領全德黑龍江總管富禮善著賞副都
統銜吉林獎賞藍翎額外驍騎校金保黑龍江將
賞藍翎額外驍騎校彥丕勒著陞授三等待衛吉
林領催委官布爾噶善前鋒委官德克登保黑龍
江獎賞藍翎領催什達保著賞戴藍翎侍衛前鋒

委叅領特依順保賞給奇成額巴圖魯名號黑龍
江獎賞藍翎額外驍騎校馨保賞給庫爾庫巴圖
魯名號仍照例各賞銀一百兩又據奏前次生擒
王廷詔案內楊遇春等保送出力員弁及續行出
力人員單內叅將張瑗准其賞給奇徹格勒特依
巴圖魯名號遊擊李東宣准其賞給沙噶巴圖魯
名號守備劉勝祥歐凱准其賞換花翎副將色克

通阿叅將張超遊擊與普都司劉琬魏尊德准其
賞戴花翎把總孫敏外委王上達陳占先劉陞兵
丁蒲貴羊士雄李章謝得勝楊坤黃見元鄉勇頭
目李世俸王爾順劉士俸王萬德鄉勇劉彪楊再
名並醴泉縣知縣知州銜謝國楨准其賞戴藍翎
候補州判黃袞准其以知縣陞用從九品職銜劉
國譽准其以縣丞陞用俾知鼓勵

上命軍機大臣傳諭額勒登保曰此次冉學勝股匪
由隆德竄至固原希圖搶擄馬匹額勒登保與長
麟各帶馬隊官兵迎頭兜擊該匪折向東南竄過
瓦亭驛等處離固原已遠額勒登保以賊匪既不
能北竄固原恐其折回由寶雞岐山直入平原卽
札知楊遇春由棧道趕來探蹤設伏迎截豫遇其
東竄之路所辦皆是但前此賊匪竄入老林伊等

每稱山深路險難以乘騎追躡以致不能趕上今
已竄近平原又稱賊匪恃其驟馬之力亡命狂奔
何日始能剿盡現在額勒登保既趕緊抄往賊前
務當與長麟彼此兜剿將賊匪逼過渭河以南併
力剿盡若賊南趨沔畧則當緊跟入川斷勿令東
趨陝境及竄入南山又致辦理棘手至摺內稱高
二餘匪奔竄南山現飛飭劉之仁將賊轟出西南

與慶成一路官兵盡力殲洗高二餘匪無多且已
離老林現有慶成劉之仁在彼協力剿辦當可剋
日掃除伍懷志一股現竄至沔畧一帶穆克登布
等兵力足資剿辦此時陝省股匪惟冉學勝最爲
緊要額勒登保旣札知楊遇春帶兵由棧道起來
務須迅速會合專剿冉學勝一股若能殲此渠魁
則伍懷志及高二餘匪更無難卽日殲淨額勒登

保不可不倍加奮勉也勉之望之

二十二日

戊辰

長齡奏言查德楞泰追剿徐逆敗

殘餘匪不難悉數殲除但邊境綿長川楚剿敗
餘氛難保其不乘間窺伺

臣

當卽飛飭竹山竹

谿二縣隨時偵探茲於本月十四日據竹山縣
范繼昌稟報有不知姓名股匪從陝省洵陽大
小神河竄入在竹山竹谿之縣河舖麻家渡一

帶滋擾惟恐深入稟請撥兵堵截

臣

查青號一

股業經德楞泰跟蹤追剿其白號一股

臣

前准

德楞泰知會將所帶馬步官兵交與孫清元托

爾托保吉林泰併力剿辦此時大兵均在西南

一帶楚省北面稍覺空虛現當二麥收成正須

裁插大田之時更關緊要

臣

前由營次輕騎回

房並未帶有官兵適值湖南廣西補額官兵到

齊

臣

卽帶領侍衛呢瑪善知府周季堂等並書

麟前帶馬隊一百餘名及現有兵勇星馳督率

前進趕緊堵截如能就此剿滅固屬甚善倘將

該匪截回陝省

臣

亦必視何路賊匪緊要卽向

何路協剿以期迅速藏事其糧餉軍火等項

臣

現已設法催償分投趕運但前敵之運供全在

後路之接濟撫臣倭什布三五日內亦可到房

臣又專信飛催迅速前來接辦所有連日各路

遞到文報其關係軍務之件

臣

當卽拆閱核辦

其關涉地方之事仍卽包封遞交倭什布處辦理再德楞泰前次痛剿徐逆一股生擒一千三百數十名除訊明實在從逆日久之陳添壽等四百七十八名卽在軍營正法其應行省釋之附近居民沈茂盛等二百七十三名卽時遣回

尚有大小男婦周國才杭李氏等五百六十六
名口解至房縣分別辦理

臣

連日督同道員海

昌知府周季堂逐加審訊委係被裹民人久思
逃出賊營今被官兵救出咸慶再生

臣

當卽按

名捐給衣履分別遠近酌給口糧盤費派令老
成首領護送各歸本籍並飭各該地方官其向
有產業者查還領管耕種其無業可歸者亦卽

酌量給與可耕之地以資餬口其川陝民人仍
令按日給以口糧錢文暫行留養俟道路肅清
再行送回本籍安置奏入

上命軍機大臣傳諭長齡曰長齡奏稱有不知姓名
股匪從陝省洵陽大小神河竄入在竹山竹谿之
縣河舖麻家渡一帶滋擾長齡星馳前進趕緊堵
截所辦甚是此股賊匪究竟是何姓名著卽查明

具奏長齡業已帶兵前往自當督率兵勇上緊堵剿卽將此股辦淨斷不可令其東趨且漢南一帶尙有零星竄匪若任其紛紛闖入楚境剿辦又致棘手現在吳熊光將次抵任所有軍火糧餉均責令妥速經理源源接濟長齡卽可專心剿辦勿留餘孽

同日陸有仁奏言據報賊匪冉學勝一股由清

水縣境竄至隴州近城一帶旋入汧陽之草白寺溝經畧額勒登保日行一百數十里兼程趕到截殺先帶馬隊衝擊該匪尙認爲別路官兵亦率馬隊數百騎抗拒我兵大隊齊上擒殺多名賊匪始知係經畧大兵當卽潰散向靈臺一帶奔竄額勒登保隨與督臣長麟官兵會合卽日緊躡窮追惟接仗時額勒登保因見賊勢剽

悍親身在前督戰並令伊弟驍騎校伊克唐阿
帶領兵勇首先撲壓馳入賊隊短兵攪殺遂致
力戰身亡經畧並不顧惜卽帶兵星馳追賊前
進又伍逆餘匪一股前被總兵穆克登布剿敗
後竄至畧陽大鐵壩因探知南路有楊遇春大
兵卽折竄留壩屬三萊子嶺一帶楊遇春隨
星夜帶兵馳往探剿以期與穆克登布等兩面

夾擊又高二餘匪高見奇一股竄至盤屋洋縣
交界之月光坪曹坪一帶慶成帶兵由大吉坪
抄出曹坪正遇賊匪當卽直前衝殺該匪結隊
迎拒經官兵擊殺八九十名生擒一百數十名
搶獲旗幟鳥鎗刀矛一百數十件餘匪潰散奔
竄慶成現在飛札總兵劉之仁兩路扼截以杜
其東竄之路又川匪陳朝觀一股竄入紫陽木

連橋安康茨蓬溝一帶經盤廟河萬福寨等處
寨首蔡後進李相朝李俊等各帶寨勇截殺連
次斃賊七八十名並搶獲騾馬旗幟等件適七
十五帶兵入陝卽由紫陽雙河塘毛壩關一路
採剿又安康沿河賊匪竄至天地廟一帶經慶
溥馬玉魁等帶領兵勇截剿斃賊多名該匪隨
向平利南坪王家河一帶奔竄並分股竄近洵

陽之閭河經卡勇擊退復逃至石板廟山溝屯
紮慶溥等現在分投追剿查陝省高見奇伍懷
志二股勢極殘敗當可剋日剿除惟冉學勝股
匪因兩月以來未經痛剿遂致賊勢稍張今經
畧大兵一到頓挫兇鋒適緣該匪搶獲騾馬頗
多奔逃甚速隨後楊遇春移得勝之師馳往會
合四路兜擒自不難卽時殲滅又興安一帶賊

匪股數雖屬零星而到處狂奔其勢尙形散漫
若將西路之賊以次剪除再以勝兵合力馳剿
陝境即可肅清臣於各路糧餉隨地隨時趕緊
源源接濟不敢稍有缺悞

同日長麟陸有仁奏言伏查寧陝地方萬山叢
雜到處皆有老林爲數年來賊匪逋逃之藪臣

等前議安兵六千名分營設汛以兵六勇四撥

補祇係預籌善後尙未計及目下之據險設防
現在南山之賊漸已剿滅淨盡止有高見奇一
股餘匪自當速爲經理以杜賊匪復入之路臣
等復悉心酌度此時若於遠處抽兵撥勇實屬
緩不濟急卽趕緊召募新兵亦難剋期足數緣
近日山內到處結有寨堡居民足資保衛有家
業者各知自守不肯應募當兵其無恒產者卽

或情願入伍而未嫻技藝不諳營規於堵禦亦
未能得力且衙署兵丁營制未定事無專屬人
多觀望一時斷難齊集是目前之急應籌防勢
不得不先於各路防兵內量爲抽撥入山以資
捍禦經畧額勒登保於南山路徑親歷周知應
如何扼要安兵及何處防兵可以抽調自能指
派周詳

臣

等當卽札商去後茲據覆稱災已將

寧陝總兵劉之仁所帶兵勇三千餘名並另爲
籌撥二千餘名共足六千之數統交劉之仁管
領在於南山一帶照指定安營之處分汛嚴防
卽須籌備官兵棲止等因查劉之仁等現帶兵
勇正在盤屋一帶剿辦高見奇股匪紮營並無
定所自可就原有帳房暫時隨地棲止惟賊匪
一經轟出山內全就肅清所有兵勇六千卽應

赴指定各營分投駐守自當卽勘各處地勢一面修築土堡暫搭窩棚以資棲止一面就地鳩工集料先建緊要營房以肅觀瞻而資控制如此趕緊辦理不但現有兵勇到處星羅棋布守禦綦嚴卽應募新兵知所依歸亦必陸續入伍一經操練嫻熟卽可將所撥防守之兵隨時抽換如防兵內有願留者仍聽其歸入隊以標營

遺缺由各原營另募如尙不足額卽以隨征鄉
勇撥補_臣等已知照總兵劉之仁及山內各地
方官上緊妥爲經理並專派員弁馳往查催總
期重鎮早成功收實效均奏入

上命軍機大臣傳諭長麟陸有仁曰七十五現雖帶
兵入陝探剿陳朝觀一股而德楞泰一路所帶兵
勇業已前赴楚境剿賊計此時陝省兵數亦未加

冬近已續撥兩淮餉項二十萬兩陸有仁惟當撙
節支放務宜源源接濟迅速藏事爲要至生擒高
三一犯昨據額勒登保奏因受傷深重業於劄營
處所凌遲其馬五一犯業經降旨交該撫嚴行審
辦陸有仁應卽飭令解員將馬五迅速解赴漢中
遵照前旨辦理又據長麟陸有仁奏會籌寧陝鎮
設兵防守情形據稱寧陝鎮應設兵六千名現在

剿辦高見奇股匪指口山內肅清卽當赴指定各
營分防駐守自應一面修築土堡暫搭窩棚以資
棲止並一面就地鳩工集料先建緊要營房所見
俱是寧陝地方萬山叢雜爲數年來賊匪遁逃之
數目前南山餘匪漸已剪除淨盡所有該處安設
防守兵丁若不相度地勢迅速建造營房則兵丁
露處堪虞況當大雨時行之際卽搭有窩棚亦非

長策長麟陸有仁務須照所定規模派妥幹大員
前往經理其所需銀兩現已諭令書魯於兩淮鹽
課內再撥銀二十萬兩解交陸有仁應用務當督
飭地方官趕緊辦理實用實銷不得稍有浮冒

欽定剿平三省邪匪方略正編卷二百五十二

辛酉年

四月二十三日

臣

勒保奏言竊

臣

於初七日師

次老林場接楊遇春來信知高馬等逆復遁寧

羌老林該提督帶兵截剿尙未入川旋據廣元

縣稟稱准寧羌州知會楊遇春已在鐵鎖關一

帶生擒高馬二逆全夥殲除該提督自已就近

報明經畧奏邀

睿鑒查

臣

此次移師北向原因接領勒登保知會調

兵協剿高馬等逆今此股賊匪既經楊遇春督

兵在陝境截剿首夥殲擒而通南一帶探報並

無另股賊氛且川東川北腹地現在俱已肅清

惟湯思蛟劉朝選等股賊匪尙屯川東沿邊之

馬家營乾溪溝等處雖經

臣

知會七十五託雲

泰卽由太平就近進剿第查馬家營一帶係開

縣所屬深山老林與太平大寧路路可通七十
五等一路官兵進剿恐該匪等恃險抗拒或分
股奔竄牽綴兵勢自應趕赴川東合力剿辦是
以卽於初八日由老林場帶兵轉回途次接德
楞泰知會龍紹周股匪疊經痛剿尙剩三千餘
人已由向家壩奔竄四川大寧之徐家壩一帶
訊據獲犯供稱該匪等已遁太平老林其餘徐

添德張允壽苟文明等股在興山當陽河一帶
均與川省大寧巫山接壤現在德楞泰先往楚
境由東北向西南兜剿以期逼賊入川復准書
麟來信目下楚境兵力壯盛恐該匪等復又南
奔乘間漏越出境囑臣派兵在邊界邀擊查龍
紹周股匪據大寧縣稟報於三月二十七日闌
入該縣白雲溪香沖地方經該縣團勇截擊仍

向竹谿之大禾田竄去卽太平一路亦未據報
該匪入境查川省之大寧太平與陝省之平利
楚省之竹谿地界緊連沿邊一帶均屬老林係
賊匪往來熟徑今該匪尙未入川自係被剿情
急潛匿其中或由川楚沿邊竄往陝省平利一
帶亦未可定至徐添德張允壽苟文明等本係
川省著名首逆現經德楞泰從東北督兵逼剿

恐其接續由巫山一路入川臣現由新開一路
進發先剿湯劉等逆並兼顧由楚竄入之賊一
面星飛知會七十五託雲泰仍由太平一路進
兵截擊湯劉等逆並囑就近察探若龍逆一入
太平境內務須一併設法逼剿出山以期合力
肅除迅速集事奏入

上命軍機大臣傳諭勒保曰勒保奏於途次探明川

北已無賊氛移師督辦川東竄匪摺內全係浮詞
並未遇賊接仗且陝省高三馬五早經辦竣今始
據奏及楚省之張允弼業經德楞泰奏報擊斃而
勒保尚未之知伊在川帶兵時稱馳往川北時稱
移師川東非止一次東奔西逐不特師老力疲抑
且虛糜餉項似此任意遲延顯係有心觀望看來
勒保總欲因人成事所稱趕赴川東合力剿辦湯

劉股賊等語並非有認真剿賊情事不過因德楞
泰在楚剿辦徐添德距川境不遠德楞泰一經到
川伊即可會合聯銜奏事藉以邀功現在湯思蛟
與劉朝選等股屯踞乾溪溝前已有旨專交勒保
剿辦勒保並未能乘機剿殺且七十五一路兵力
昨已據額勒登保奏追剿陳朝觀一股入陝今勒
保尚稱知會七十五由太平就近進剿湯劉等逆

是川省帶兵大員業已追賊出境勒保尙不知信
息猶望其確探賊蹤奮勉剿捕耶至樊人傑一股
在川日久不知去向勒保節次摺內總未提及豈
竟任其潛匿置之不辦目下麥已成熟賊匪竄出
又得掠食飽颺勢必裹脅多人復成大股又將茶
毒無數生靈何時始能蕺事乎勒保曾獲重愆經
朕格外加恩棄瑕錄用仍任四川總督已給予二

品翎頂乃帶兵剿賊不知力圖報効勉贖前愆一
味遲滯本應革職拏問姑念該省總督大員屢行
更換又將另易生手勒保著從寬革去翎頂暫留
四川總督之任以觀後效

二十九日

乙亥

德楞泰長麟明亮奏言

臣

等前於

興山縣老林內鯽魚壩等處將黃白號等股賊
匪痛剿出山狂奔分竄當卽分頭趕追查徐逆

尚餘賊匪三千餘人日行一百四五十里

臣德

楞泰極力趕追沿途日有擒獲渙散難民亦多而賊蹤狂竄我兵未能痛剿十二日至竹谿下三壩適明亮帶兵由上龕截剿沿途亦有斬獲探得徐逆等翻紅銅山由石板河前逃又探得龍逆等股賊匪自陝竄楚之西密河松樹壩一帶屯聚賊探已至豐溪

臣

等十三日卽帶兵順

道趕至豐溪據報龍逆賊匪探知前有官兵連
夜又由西密河左邊老林仍竄入陝之大樹河
鎮坪一帶據逃出難民周俸等供稱龍紹周前
被剿敗逃至太平縣屬後坪山內後有探馬回
來說德泰贊大兵已追徐添德由興山前往巫
山夔府他們又想擄掠不料大兵在此所以連
夜逃回查龍逆狡猾異常恐其陽言回川仍思

竄禁

臣

明亮帶兵暫駐豐溪遏其回竄十五日

臣

德楞泰帶兵仍卽跟蹤徐逆前進至竹谿縣

黃柏樹嶺據報有自陝竄來黃白藍號三股賊

匪約有三四千人在前溪地方與徐添德會合

西竄又據署竹谿縣郭澗極稟報有陝省竄來

一股賊匪不知賊目姓名約有二千餘人在東

西棚周家灣有竄郭家洲過河之勢恐其深入

東竄

臣

德楞泰正慮東面空虛無兵適

臣

長齡

在房縣將書麟身後事且料理完妥接據該縣

稟報亦以東面無兵卽督同總兵德昌侍衛呢

瑪善等帶兵由竹山大道田家壩兜截前來遏

住賊頭十七日趕至燈子灣接仗追剿過數重

山梁共殺賊二三百名生擒一百四十餘名賊

衆由三分陳家河一帶西逃

臣

德楞泰追剿徐

逆等股賊匪經由竹山屬之潭三觀吉陽關十
九日翻界嶺至陝西白河縣屬東西二壩趕抵
木瓜園探報賊匪由猴子河口走黃石板距營
不過五六十里臣德楞泰卽於二十日黎明趕
抵猴子河口探得賊匪分股圍攻天保萬安兩
寨大夥在黃石板一帶屯紮臣德楞泰當令溫
春蒲尙佐副將達自祥叅將馬應國馬濟李東

山遊擊何君佐沈洪劉彪德英額等帶兵勇分
赴救援

臣

督同賽沖阿色爾滾馬瑜侍衛達勒

精阿富僧德慶昌蘇爾伸德楞額珠爾杭阿等

直取黃石板賊巢該逆等一見官兵紛紛潰亂

我兵立斃賊百餘名餘衆遂向蔣家梁四散奔

逃官兵跟追掩殺其時圍攻天保萬安兩寨之

賊見官兵突至亦向蔣家梁遁逃三路官兵分

投趕追由梟樹嶺一帶直抵安家莊計程一百
六七十里沿途殺賊八百餘名生擒活賊九百
一十餘名口搶獲騾馬二百餘匹烏鎗四十三
桿礮三位旗幟刀矛極多首逆陳朝觀中箭落
馬滾巖屍身未獲不知生死曾芝秀帶箭奔逃
二等侍衛蘇爾仲吉林前鋒委官法靈阿首先
衝入賊隊生擒賊目二名訊係監號偽元帥龐

土應南路總兵方文魁又令龐士應等於獲犯
內認出西路總兵蒲子榮旂首陳添貴等三名
龐士應之父龐年母李氏伊妻王氏伊弟龐學
應並訊出從賊日久抗拒官兵胡思名吳興忠
等四百三十名口其應行釋放男婦朱有如陳
晏氏等四百六十八名口訊據龐士應供年二
十九歲東鄉縣胡家場人原係習教於二年間

一家投入冉文儔營裏放爲總兵冉文儔在麻
壩寨被官兵打死後來冉添元管事因去年正
月在定遠縣地方過江是我先搶船過去冉添
元掛我爲元帥他在川西壩被官兵拏去我就
同陳朝觀一路今年在川被官兵剿殺因翻老
山逃到紫陽會見黃號樊人傑王國賢白號曾
芝秀他們說接著徐添德來信令糾人前往湖

北可到襄樊一帶多擄人馬我們四股共有四
五千人是以纔由平利洵陽下來不想到此又
被大兵剿殺昨日陳朝觀中箭落馬滾巖曾芝
秀帶有箭傷王國賢張萬林向東竄去等語查
龐士應本係習教與冉文儔等同時起事實爲
罪大惡極卽與方文魁蒲子榮陳添貴等六名
臬司示衆其龐士應之父母妻子兄弟等四名

早經習教投入賊營并應辦之胡思名吳興忠
等四百三十名一槩正法應行省釋男婦大小
難民內除附近被擄之湯之秀曹陳氏等一百
六十一名口就近釋放外其朱有如陳晏氏等
三百零七名口解送白河縣令其分別遞回安
爲安插

臣

長齡兜剿黃號王國賢張萬林一股

賊匪沿途日有斬獲十九日趕至白河縣屬順

水寺該匪等已向洵陽奔逃二十日趕抵安家

莊與臣德楞泰會合臣明亮恐各股賊匪被剿

窮蹙又由關壩大廟竄入竹谿遂自豐溪帶兵

前來再戴家營趙鑑白號胡名元崔宗和等只

剩敗殘餘匪千餘名孫清元託爾託保副將吉

林泰等現帶馬步兵勇六千餘員名臣德楞泰

飛札該鎮等務將此股賊匪就地剿除斷不可

令其折竄頃據該鎮等報稱此股賊匪十一日
已向洛陽河一帶逃竄相距川界不遠或能掃
除或剿逼入蜀總不令其回竄又查苟文明等
股賊匪現在大寧之徐家壩游奕距楚界亦不
甚遠臣德楞泰亦已飛札孫清元等如所追追
號之賊業已入川該鎮係守土之員不必遠追
卽當移向上龍一帶以備堵剿苟逆等賊股過

其復竄入楚再查此次剿殺各股賊匪一千二百餘名生擒者亦有一千餘名潰散者極多現在青號徐添德賊股所剩不過二千餘人黃號樊人傑王國賢白號曾芝秀張萬林藍號陳朝觀等股所剩亦不過三千餘人臣德楞泰頃接額勒登保來信已帶兵赴甘剿辦冉學勝賊匪慶成亦已帶兵前往江北剿辦高二餘孽現在

漢江南岸只有額勒亨額慶溥喜明馬玉魁等
帶兵截剿臣德楞泰趕追徐逆等股賊匪已入

洵陽勢必向平利安康奔竄賊股較多或能兜
剿或與之夾擊不惟易於集事且可兼顧江岸
倘或各逆入川臣亦卽緊蹙剿辦至楚省經臣

德楞泰於二年四年及今年三次肅清究因邊
界綿長各卡隘駐兵自百餘名至數百名不等

兵分見單未能堵禦刺下各逆勢極敗殘非如
從前之猖獗卽數股併合不及一股之多茲當
功屆垂成肅清一省不但騰出兵力併剿且一
省百姓亦得安堵樂業然總須堵截得住方爲
盡善查督臣書麟等前奏於鮑家店化龍堰保
豐官渡峰西溪河等處設卡安營佈置亦妥

臣

德楞泰細心體察楚省將領內能獨當一面之

人不可多得與其分佈多處賊至不能出敵仍屬有名無實現在公同籌計擬以邊界各處小卡仍照舊安設外現又新到江西兵二千名廣西湖南補額兵二千餘名核計現有征剿馬步兵勇一萬數千名分兩路作爲遊兵遠探賊蹤以剿爲堵較爲得力

臣

長齡同孫清元等帶兵

六千餘員名於上龕等處備剿川匪顧及興房

臣明亮同德昌等帶兵六千餘員名顧及二竹
堵剿陝匪如探有川陝賊股勢將近楚卽當帶
兵出境迎剿與追兵兩面夾擊賊見前有堵截
自不敢窺伺楚境較之安營堵禦似屬有裨

臣

等商定後

臣

德楞泰帶兵追賊入陝

臣

長齡明

亮將連日剿散匪匪搜捕淨盡卽各帶兵分赴

堵剿

臣

德楞泰查上年總兵李紹祖由川追賊

入楚時帶領雲貴山東官兵一千餘員名除受傷病故外現存兵六七百名在楚甚爲得力

臣

德楞泰一路現有三省馬隊六百餘名茲當追賊喫緊正藉馬力之時

臣

等酌商將楚省現有

三省兵內撥出吉林兵一百名索倫兵二百名

歸併

臣

德楞泰軍營進剿並卽飛咨檄什布查

照此次連日打仗兵勇內聞有受傷者俟查明

另行咨部奏入

上命軍機大臣傳諭德楞泰曰此次黃白藍三股賊
匪在前溪地方與徐添德會合西竄德楞泰等三
路官兵痛加剿殺共殲擒賊匪二千餘名並擒獲
偽元帥龐士應等六名其藍號首逆陳朝觀中箭
滾嚴白號首逆曾芝秀亦帶箭奔逃去年曾奏及
龍紹周中石落水至今龍逆尚在奔逃此等事務

須查明實在下落再行馳奏德楞祿及在事出力
各員統俟徐添德生致辦完此股奏到捷音再加
懋賞二等侍衛蘇爾伸吉林前鋒交官法靈阿首
先衝入賊隊生擒賊目二名甚屬奮勇者卽以應
陞之缺陞用以示鼓勵此時徐添德等股業經官
兵痛剿竄入洵陽一帶勢已窮蹙其漢江南岸又
有慶溥額勒亨額喜明馬玉魁在彼帶兵截剿德

楞泰正可督率慶溥等認真迎擊兩面夾攻切勿
令其折回楚北至於楚省邊界分作兩路遊兵遠
探賊蹤以剿爲堵佈置甚爲妥協已另降旨令長
齡明亮孫清元等遵照防堵德楞泰務宜上緊剿
捕殲除淨盡

上又命軍機大臣傳諭長齡明亮曰德楞泰趕追徐
逆等股匪已至陝西洵陽一帶所有楚省防堵事

宜現與長齡明亮等會商交伊二人分投帶兵堵禦此時楚境邊界俱已廓清長齡明亮孫清元等均係本省地方官邊防是其專責較衝鋒打仗更易爲力從前書麟等奏於鮑家店化龍堰等六處安設營卡佈置已屬周密現在新到江西兵丁及廣西湖南補額各兵合計征剿馬步兵勇一萬數千名分爲兩路遊兵以剿爲堵兵力極爲壯盛長

齡明亮孫清元等務須扼要堵截兼顧川陝俾兩處竄匪聞風畏懼不敢復行窺伺如各股賊匪有被剿緊急仍思乘間折回者長齡等若能帶兵迎擊與追兵兩面夾攻一鼓殲洗卽屬長齡等之功倘以如許兵勇不能悉力嚴防再任賊匪有竄入楚境之事必將長齡明亮孫清元等從重治罪

同日長齡奏言查冉逆自西面折回復向東兩

隴州等處竄逸額勒登保當與臣商酌以該逆

狡猾恃其驟馬較多窮日狂奔必須分兵兜截

逼過渭河以南方有收束額勒登保卽由八渡

里新街子一帶兜剿臣由沙家店大地村一

帶兜剿兩路官兵齊力向南追逼該匪無路折

回北面卽於十六日竄過渭河以南額勒登保

恐其過河又思東竄當由寶雞趕入棧道抄截

臣

卽由城隍廟地方過河仍向南追途次接據

探報冉逆賊匪於過河之後奔竄愈速已由唐

藏太渠竄向廢邱關一帶並據探報另有小股

賊匪七八百人馬騾數十匹現由棧西之三岔

溝桃花坪一帶竄入甘省有直奔秦州之勢又

訊據逃出難民供稱此股係高二餘匪被慶成

剿敗欲赴秦州一帶搶奪騾馬查高逆餘匪雖

現在人數無多若不起一系剿辦裏脅數日又致

漸成大股

臣

正在探蹤追剿間二十二日接額

勒登保來信以冉逆賊匪現在督兵兜截並揚

遇春亦已趕到復恐該匪向東奔竄又派慶成

在江口一帶攔截是冉逆一股已有三路大兵

剿辦札囑

臣

即就近將高二餘匪趕緊截剿

臣

卽於二十二日由孟家灘翻山趕赴秦州一帶

偵探賊蹤相機辦理奏入

上命軍機大臣傳諭長麟曰此次冉逆股匪在隴州等處奔逸經長麟與額勒登保分路兜剿將該匪逼過渭河以南額勒登保現在督兵兜截並楊遇春之兵亦已趕到而江口一帶又有慶成在彼攔截是冉逆一股有此三路大兵剿辦自可刻日殲除惟摺內稱另有小股賊匪七八百人訛係高二

餘匪現在棧西之三分溝桃花坪竄入甘省高逆
餘匪雖現在人數無多所帶騾馬僅有數十匹若
不趕緊剿辦恐致裹脅又成大股所有此股賊匪
卽專交長麟督辦勿留餘孽否則亦須逼回陝省
寧使與冉逆合股剿辦亦易得手倘不上緊剿辦
致有蔓延則惟長麟是問